

INUIT ATAQATIGIIT

Inatsisartuni



2020/imm. 111
05.11.2020
Mikivisuk Thomassen

Kalaallit qimmiat qimuttoq illersorniarlugu kalaallit qimmiannik qimmiutilinnut nerukkaatissarsiutaanut akileraartarnikkut ilanngaammik pilersitsisinnaanerup pittaagutai ajoqutaalu pillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq, Doris J. Jensen, Siumut)

Siullertut qujaffigerusuppara saqqummiussaartoq.

Qimmit qimuttut ukiuni kingullerni ikiliartornerat takuneqarsinnaavoq, illoqarfinni nunaqarfinni tamanna malunnaateqarpoq tassami silap allanngoriartornera peqqutaagataasut ilagaat.

Qimmit qimuttut nunap immikkoortuini qimmeqarfinni pinngitsoorneqarsinnaanngillat, piniutit aalisariutitut takornarianillu angallassinermi atorneqartarput iluaqutaalluarterlutik, qimmit qimuttut soorunami tamatta illersorneqarnerat pisussaaffigaarput.

Ilaatigut sikuniartarneratigut silallu atoruminartannginnera peqqutaasarput qimmit qimuttunut nerikkaatissarsiuniarneri nammineerluni nunatta pissarititaanik pisaqarsinnaaneq apeqqutaalluinnartarmat.

Qimmit qimuttut issinnerpaaffianni pingaaruteqarpoq nerisaqartuarnissaat, tamannalu ilaatigut qimmit qimuttunik qimmilinnut ajornakusoorsinnaasarpoq naak nerikkaatissaqarniarnerminnut pitsaasumik kissaateqaraluarlutik.

Nerukkaatissat ulluinnarni pisiniarfinni pisiassaasartut pinngitsoorneqarsinnaanngillat qimmit qimuttunik qimmeqaraanni, soorunami qimmit qimuttut illersorpagut illoqarfinni nunaqarfinnilu.

Eqqumaffigisariaqarpoq qimmit qimuttut pineqarmata, nunatsinni qimminik qimuttunik peqaraanni imaannaanngissinnaasarpoq ingammik piniutitullu aalisariutitut inuussutissarsiutigaaanni.

Soorunami illoqarfimmiit nunarfimmut kulturitsinnut pingaaruteqarluinnartuupput qimmit qimuttut tamannalu assortorneqarsinnaanngilaq, ilaagut ullut arlerlugit angalasoqarsinnaasarpoq tamassumallu takuniinnarpaa qanoq pingaaruteqartigaluni qimmeq kilometerit arlallit qimussinnaanermik sungiusagaasarami, eqqumaffigissaarli qimmit qimuttut ilaat qaammatinik annikitsuinnarni qimuttut atorneqartarmata tamanna illoqarfimmiit nunaqarfinnut assigiinngilluinnarmata.

Inuit Ataqatigiinniit kulturikkut eriaginnillutik ingerlataqartut qimmit qimuttunik ingerlataqartut illersortuaratsigit.

Piniartutut aalisartutullu inuussutissarsiuteqartunut naliginnaasuuvoq ukiumut nalunaarusiornermi qimminut nerukkaatissat ilanngullugit nalunaarsorneqartarneri tamannali periarfissaasoq takuneqarsinnaavoq.

Inuit Ataqatigiinniit ataatsimiititaliamut susassaartumut ingerlateqqipparput.